



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt I. Recténe libertatem definierint, qui eam esse dixerunt, Viuere vt  
velis.

[urn:nbn:de:hbz:466:1-46059](#)

*Aut scripta lex, aut multitudo ciuium*

*Vetat suopre viuere ex arbitrio.*

Eā ob rē, cūm superioribus libris exposuerimus, quænam sit à peccato & à diabolo libertas: cōsequentibus demonstrādum erit, nō sic eam accipiendā, vt Legum resoluat vincula, sed planè cum obediendi necessitate cōsistat. Idq̄ primū de diuinis Legibus docebimus: tū ordine ad eas quę vulgo h̄umanę dicūtur, veniemus.

C A P V T . I.

*Rectē libertatem definierint, qui eam esse dixerunt, Viuere ut velis.*

**D**ICTVM est ab eruditissimis viris (ait in Paradoxis Marcus Tullius) Nisi sapiētēm, liberūm esse neminem. Quid est enim libertas, nisi potestas viuendi vt velis? Sic ille quidem eo loco. Sed quoniam quisquis beatus est, hūc liberum esse necesse est: si rectē beatum dixeris, qui secundūm suam viuat voluntatem: eo quoque modo, liberum posse definiri, confitebor. Attendo igitur, vtrūm acquiescendū sit eis, qui dicunt eum beatum esse, qui secundūm suam viuit voluntatem. Quid si enim nequiter velit viuere? nonne tanto miseror esse convincitur, quanto faciliūs mala eius voluntas impletur? Meritò hanc sententiam, etiam ipsi qui sine Dei cultu philosophati sunt, respuerūt. In quibus ipse quoque est vir eloquentissimus Cicero, qui sic ait: Ecce autem alij non Philosophi quidem, sed promptitamen ad disputandum, omnes aiunt esse beatos, qui viuant vt ipsi velint. Falsum id quidem. Velle enim quod non deceat, id ipsum miserrimum; nec tam miserum est non adipisci quod velis, quam adipisci velle quod nō oporteat. Quod si (vt ille confessus est) possit nō esse beatus, qui viuat vt velit, si multa malè & nequiter velit: profecto & infelicissimæ potest seruitutis vinculis teneri is qui viuat pro suo quidē arbitratu, sed libidine incitantem, non

tem, non ducem rationem viuendo sequatur quod ille  
volebat populus; eoque non effræni solùm auiditate,  
verum etiam indomabili cupiditate rapiebatur; cui im-  
properatur per Prophetam: A sèculo cōfregisti iugum  
meum: dirupisti vincula mea; & dixisti, non seruam.  
*Actus 2.* In omni enim colle sublimi, & sub omni ligno frondo-  
so, tu prosternebaris meretrix. Utilissimam isti iucun-  
dissimamque sub vnius Dei Legibus subiectionem, vi-  
seruilem miseramque conditionem, refugiebant: so-  
lamque hanc censemebant libertatem, si vitiis dominanti-  
bus seruitent, ac tanquam vltro prostituti, mortiferis  
eorum vinculis alligarentur. Certè vtcunque animo  
corrupto grata, vtcunque aliis splendida libertas videa-  
tur: vera tamen & funesta seruitus est, libidini potius  
parere quam virtuti. quod illi nō ignorasse videtur, qui  
stultos omnes, seruos esse dixerunt. Non enim ita dicunt  
eos esse seruos, ait Cicero, vt mancipia quæ sunt domi-  
norum facta nexu, aut aliquo iure ciuili: sed si seruitus  
sit, sicut est, obedientia fracti animi vel abiecti, & arbi-  
trio carentis suo: quis neget omnes leues, omnes cupi-  
dos, omnes denique improbos esse seruos? An ille mihi  
liber videtur, cui mulier imperat? cui leges imponit?  
præscribit? iuber? verat quod videtur? qui nihil impe-  
ranti negare potest, nec recusare audet? Si poscit, dan-  
dum est; si vocat, veniendum est, si ejicit, abeundum; si  
minatur, extimescendum. Ego vero istum non modo  
seruum, sed nequissimum seruum, etiam si in amplissi-  
ma familia natus sit, appellandum puto. Sic ille. Non  
igitur quisquis viuit vt vult, sed qui ita affectus est, ni-  
hil vt male velit, is liber & beatus existimandus est.  
*cap. 3.* Quod diuus Ambrosius scriptum reliquit his verbis, in  
libro posteriore de Iacob & vita beata: Qui omnia pru-  
denter agit, & ita viuit vt vult, is solus est liber. Non  
enim conditio fortuita seruum facit, sed probrofa insi-  
pientia. Ideoque & Iureconsulti ita finierunt liberta-  
tem, vi-

non nisi

tem, ut eam esse dicerent naturalem facultatem eius quod cuique facere libet, nisi quod vi & iure prohibetur. Quidam autem in eo statuere libertatem, si quisquam secundum mentem, hoc est, superiorem sui viuat partem. Quod ne tum quidem satis consideratè dictum videri deberet, si esset mens incorrupta & recta. Non enim secundum seipsum mens etiam recta viuere debet: sed secundum Deum, qui mente lögè superior est. Cùm autem queritur, secundum quid homo viuere debeat, non solùm ea vita intelligenda est, quam ratione corporis cum bestiis habet communem: sed ipsa imprimis vita ex qua homo propriè est, quæ mentis iudicio & consiliis agitur. Quam ob rem cùm dicetur, viuere hominem debere secundum mentem, non aliud dici videbitur, quām viuere eum secundum seipsum oportere. Tolerabilius autem diceretur homini secundum rationem esse viendum, quia neque ratio est propriè, nisi recta est, cùm possit mens esse non recta: & in tantum ipsa recta ratio est, in quantum diuinæ Legi conformis existiterit. Ita fit, ut viuere secundum rationem, nihil aliud sit, quām secundum Dei voluntatem & Legem viuere.

## CAPUT II.

*Vera libertatis cognitionem non esse à Philosophis repetendam.*

SED quid ego ea quæ de libertate Philosophi scripsere, commemoro? Etsi enim hoc preclarè statuerunt, solos sapientes esse liberos: non tamen idonei furentur, qui veram nobis libertatem demonstrarent: propterea quòd, qui verè sapientes essent, ignorantem. Quemadmodum non absurdè, inquit Augustinus, definita virtus est ab his, qui dixerunt: Virtus est animi habitus, naturæ modo, atque rationi cōsentaneus. Verum dixerunt; sed quid sit consentaneum liberandæ ac beatifi-

Lib. 4. contra  
Iul. cap. 3.